

حقوقی بیکیسیر مجموعه سی

هر آيك اون بشنده نشر اولنور

قانون جزا تبعاتندن

- ۴ -

مکرمینک اوطوردقردی محله افاذ جزا

قانونمزه ایتالیان جزا قانونندن عیناً آلمان برحکمه کوره « برآی تجاوز ایتیمه جک وجهله خفیف حبسه محکوم ایدیلوب مکررلکی بولنمیان قادین وکچوکلرک اوطوردقردی برلرده مدت جزایه لرینک چکدرلمسنه؛ محکمه حکمنده قرار ویره بیلر ».

ایتالیان جزا قانونی پروژهمسی احضار ایدلیدیکی زمان تأجیل جزا اصولی دول متمنده قانونلرینه هنوز کبرمه مش اولدینی جهته اصلاحدن زیاده اختلاله سبیت و برن قیصه مدتلی جزا لک محکومینه یابه جنی سوء تأثیره مانع اولق قصدیه محکومینک برآی تجاوز ایتیمه سی حانده افاذ جزانک عمومی رشکلده وبالعموم محکومین حقنده تطبیق ایدلک اوزره خانه ده اجرایی کیفیتنک حاکم تقدیرینه بر ایدلسی تأمل اولونمش و فقط ماده تفتیش و تفسیرک برأمر عسیر و برچوق کلفتی داعی اوله جنی بحق دوشونیلرک یالکز قادین وکچوکلرک حصری مناسب کورلمشدر [۱].

قناعتمزجه ۲۱ نجی ماده نک ایکنجی فقرهمسی بزجه هیچ قابل تطبیق اولمیان بر اصولدر. بالخاصه بیوک شهرلرده محکمه لر بیله کندی حضورینه ایکنجی دفعه کلن مکرر محکومینک محکومیت سابقه سی پک استثنائی اصول و شرائط دائره سننده آکلایه بیلیمکده اولمسنه کوره افاذ جزا ایله مکلف مدعی عمومیلکک بوخصوصه کی وسائط استطلاعیه سی عادتاً ره هیچ اولدینی اعتراف ایتک ایجاب ایدر. شو حالده برآی و یاده اآز خفیف حبس ایله محکوم اولان قادین وکچوکلرک جزالری نتیجه اعتباریه ۲۱ نجی ماده نک احکامی تطبیق ایدلیدیکی تقدیرده عفو خصوصی ایله عفو ایدلش دیمکدر.

احکام قانونیه توفیقاً خفیف حبس جزاسنک اوده افاذی شرائط آتیه به توفیقاً اجرا اولنق ایجاب ایدر :

[۱] تأجیل جزا اصولی اک اول بلچیقاده ۱۸۸۸ تاریخده قبول ایدلشدر .

اولاً اوده افاذ جزا ایدیه بیلک ایچون محکومک محکومیتی برآی کچمه ملی واشبو محکومیت مطلقاً خفیف حبس جزاسی نوعندن اولمیدر.

حبس جزا سندن تبدیلاً خفیف حبسه حکم ایدلش ایسه و یا خود جزا تخفیف ایدیه رک برآی و یا ده دونه خفیف حبس حکم ایدلش اولسه بیه محکوم یکر می برنجی ماده حکمندن استفاده ایدر.

ثانیاً محکومک مطلقاً قالدین و یا کچوک اولسی ایجاب ایدر. زاناروللی نك تکلیفی وجهله بالعموم محکومینک بو حکمندن استفاده سنه امکان کوریه مه مشدر. بوراده کی کچوکدن مقصد هنوز اون سکر یاشنی اکال ایتمه یین کیمسه لر در.

ثالثاً محکومک مکرر لکی بولنامق لازمدر. واضع قانونک قصدینه کوره مکرر لک حالنده ذاتاً حبس خانه نك حیاته آلیشمش اولان بر محکومی اورایه دوشمکدن توقی اسبابی دوشونمکه لزوم قالماز.

شو شرائطک موجودیتی تقدیرنده محکمه اوده افاذ جزانک قائده و ضرر لرینی تقدیر ایدیه رک اوکا کوره برقرار اتخا ذایلر. محکمه نك شو قرارینه قارشونه محکومک حق اعتراضی ونده محکمه تمیزک حق مداخله سی موجوددر.

محکمه قرارنده محکومک زده جزایی چکه جکفی تعیین ایتمه لیدر. چونکه تعیین ایدلر سه حق تفتیش و نظارت استعمال ایدیه من. مع مافیه محق سبیلر موجود اولور سه محکومک طلبی اوزرینه مدعی عمومینک مطالعه سنی آله رق محکمه یکی بر مسکن تعیین ایدیه بیلر. کرک ابتداء مسکنده جزانک افاذی و کرک مؤخرأ مسکنک تبدیلی حالنده کیفیتک محلی پولیس مدیریتنه تبلیغی مقتضیدر. پولیس افاذ جزا خصوصنده مدعی عمومی به معاونت ضرورتنده قالدینی ایچون افاذ جزا دوام ایتدجه محکوم نوعما پولیسک تحت نظارت و مراقبه سی آلتنده بولمقده دیمکدر.

محکمه دیلر سه محکومک مسکندن غیر ی بر محله ده جزانک افاذینه قرار ویره بیلر. محکمه؛ کرک محکومک کندی مسکنده و کرک بشقه بریده جزانک افاذینه قرار ویردیی تقدیرده محکومک قوجاسی و یا ولی و وصی سندن و یا حبس اولنه جنی دیگر یرک صاحب و مستأجرندن قانون حکمنک تمامی اجراسی ضمنده تعهدنامه آلیر. و تعهدنامه آلامادجه مسکنده افاذ جزا جهته کیدیه من [قانون جزانک صورت تطبیقی حقه کی قانونک ۸ نجی ماده سنه مراجعت].

اشبو اشخاص تعهدینی ایفا ایتمدیکی تقدیرده جزا قانوننك ۶۰ نجی ماده سی موجبجه فاعل حقنده جزا ویریه جکی کبی نظارتده کی تسیلری دولایسیله متعهد بولنان بوکی کسان حقنده دخی اوقباحك جزاسی تطبیق اولنور .

محكومك مسكننی ترك انسی وضعیتی . — واضع قانونك ۲۱ نجی ماده ایله محكومینه عاطفت اوله رق بخش ایتمدیکی شومساعدینی سؤ استعمال ایله مسكننی ترك ایدن محكوم شو عاطفته عدم لیاقتنی فعلاً اظهار ایتمش اولدینی جهتله ماده نك صوك بندنده بوكا دائر بر قوه مؤیده قونمشدر .

شویله که منعیت واقعیه رغماً اوطوردقلری بری ترك ایدن محكومینك مدت جزائییه نری تماماً انفاذ اولنور . بناءً علیه حتی مدت محكومه سنك یکر می سکز کونی تماماً مسكننده کچیره ن بر محكوم مدت محكومه سنك ختامندن بر کون اول دخی اوطوردینی یردن چیقسه مدت محكومه سنك تمامی اولان یکر می طقوز کونی خفیف حبس جزالرینك انفاذیه خصوص اولان محله عادیاً وکاملاً چکر .

بو قرارلر اداری مقررات جمله سندن اولغله اشبو قراره قارشو طرق قانونیه مراجعت ممکن دکلدور .

— ۵ —

خفیف مهس جزا لرینك اعمالا تخانه لرده ویا نافع وبلدییه ایشلرنده قولونموش
صورتیه انفازی

واضع قانون بعض احوال معینه ده خفیف حبس جزاسیله محكوم ایده جکی کسان ایچون اعمالا تخانه لرده ویا نافع وبلدییه ایشلرنده چالیشق صورتیه انفاذ جزا اصولی ده قبول ایتمشدر .

قانونمژده ایش ایشله مکه صالح اولدینی حالده دیلنجیلک ایدنلر حقنده بر هفته دن بر آیه قدر بوغازی طوقلغنه اداره خصوصیه وبلدییه ایشلرنده چالیشدیریه جنی و تکرر حالده اون بش کوندن ایکی آیه قدر بو مدتک تمدید ایدیه جکی تصریح اولونمشدر . دیلنجیلک نتیجه اعتباریه چوق دفعه ایشسز لکک نتایجندن اولمسنه کوره بو کیلر حقنده دوغریدن دوغری به رفع حریت جزاسی ویرمك پك غریب بر حقسز لغه سبیبت ویریور . بو کیلره جزا ویریه جک یرده ایش ویرمك دها منطق دز .

ایتالیان قانون جزا سنده سر خوشلر حقنده بوغازی طوقلغنه چالیشمق مجبوری قبول ایدلدیکی حالده بزم واضع قانونمز پک محق اوله رق سر خوشلق ده خفیف حبس جزاسنی عادیاً قبول ایتمس و بونده بوغازی طوقلغنه بلدی ایشلرنده چالیشمقن مغل حیثیت و ترزیل ایدیجی ماهیتده کوره رک قبول ایتمه مشدر .

قانون جزا نک ۲۲ نجی ماده سی موجبنه اعمال اتخا و یا نافع و بلدی ایشلرنده قوللا نیلمق صورتیله خفیف حبس جزاسنک انفاذی ایچون مدعی عمومی محکومک چالیشدی ریله جنی خدمتی علاقه دار دائره لرله قرارلشدیرر .

مدعی عمومی نک تعیین ایتدیکی کونده محکوم اثبات وجود ایتمز و یا چالیشمقن امتناع ایدر سه خفیف حبس جزاسی علی العاده تطبیق اولنور .

محکوم بر مدت چالیشدقن صکره بقیه مدت جزایه سسند چالیشمقن امتناع ایدر سه ۲۱ نجی ماده ده اولدینی کبی محکومیت مدتک تمامک عادیاً انفاذ اولنه جغه دائر قانونده صراحت مخصوصه موجود اولماسنه مبنی اولسه اولسه چالیشدینی کونلردن بقیه قالان مدت جزایه سنک حبساً انفاذی ایجاب ایدر .

محکومک چالیشدی رلما سنه مقابل اینس کوردیر من دائره دن حکومه تاند اولمق اوزره آلنه جق اجرت مقداری خصوصی بر تعلیمات نامه ایله تعیین اولنور . بو اجرتدن محسوب اولمق اوزره محکومک چالیشدینی کونلره تاند ااشه سی چالیشدیر ان دائره جه تأمین اولونور . [قانون جزا نک صورت تطبیق حئنده کی قانون ماده ۷]

کوریلور که ۲۲ نجی ماده ده موضوع بحث اولان انفاذ جزا صورتی حاکم محکومیت قرارینک اصداری صره سنده تأمل ایدر و محکومک شخصنه باقار و جریمی ایقاع زماننده کی عوامل اجتماعیه بی نظر دفته آله رق اتخا ذ قرار ایلر . ۱۹ نجی ماده ده موضوع بحث اولان جزای نقیدین قلباً عملیات نافعه ده استخدام ایسه انفاذ جزا صره سنده و محکومک طلبی اوزرینه مدعی عمومی لک معرفتیه انفاذ اولونور .

قانونمز ده تأجیل جزا ، اوده انفاذ جزا و عملیات نافعه ده استخدام صورتیه انفاذ اسوللرندن ماعدا خفیف بعض محکومیتلر ایچون توبیخ صورتنده انفاذ جزا اصولی قبول اولونمشدر .

توبیخ عدلی جزاسی وریله بیلیمک ایچون :

- ۱) محکومک ایشله مش اولدینی فعلک قانونده تعیین ایدیلن جزاسنک حد اعظمی بر آی حبس ویا خفیف حبس ویا خود آغیر وخفیف جزای نقدی بی کچمه ملیدر.
- ۲) محکومک ایشله مش اولدینی فعلده اسباب مخففه موجود بولنملیدر.
- ۳) ونهایت محکوم مقدما علی الاطلاق جرم دن ویا بر آیدن فضله حبسی مستلزم بر قباحتن دولایی محکومیت ساقه سی بولنملیدر.

شوراسی شایان قیدونذ کارددرکه قانونده آنجق حبس بر آیی تجاوز ایتمین ویا خفیف جزا ر ایله محکومیت ایجاب ایتدیکی تقدیرده توبیخ عدلی جزاسی تطبیق اولنور، یوقسه آغیر حبس ویا سائر جزا ردن بدلاً واسباب مخففه بنه حبسه حکم ایدلش ایسه ایکنجی بر دفعه اسباب مخففه آرایه رق توبیخ عدلی به حکم ایتک ممکن دکلدیر .

توبیخ عدلی؛ جرمک ایشله نمسند کی شکل وصورت وخصوصیت و محکومک احوال مخصوصه سنه کوره یاسیلان علنی بر تکدیردر. تکدیرده حاکم ایقاع ایلدیکی فعلک نتیجه لرینی و اخلاقی تأثیراتی محکومه ایضاح و محکومی ایقاع ایتدیکی فعلدن دولایی علماً تفسیح ایلر. قانوناً توبیخ عدلی جزاسنک انفاذی ایچون حکمک کسب قطعیت ایتسی مقتضی در. مع مافیه اول باول حاکم حبس وخفیف حبس جزاسنه حکم ایتدیکی صره ده توبیخ عدلی جزاسنی ده بر لکده تحت قراره آلیر ومع مافیه حکمک قطعیشدیکی کوندن اعتباراً بر هفته ظرفنده تکدیر ضمنتده علنی جلسه بی کندیسنه اخبار ایلر .

محکوم یوم معینده گلز ویا کلبرده توبیخی حرمتله تلقی ایله مز ایسه ایشلادیکی جرم ایچون محکمه نک تعیین ایتدیکی جزا تمامیه انفاذ اولونور.

محکمه توبیخ عدلی جزاسنی کفالت اعطاسی قیدیلده تقید ایده بیلیر. بو تقدیرده توبیخ تاریخندن اعتباراً جرملر ایچون ایکی وقباحتر ایچون بر سنه بی کچمه مک اوزره محکمه جه تعیین ایدیله نک بر مدت ظرفنده بر جرم ایشله دیکی تقدیرده جزای نقدی نامیه معین بر پارا اعطاسی تعهد ایتمه و محکمه جه لزوم کورولورسه بو تعهدنی معتبر کفیل ایله تأمین ایلکه محکوم مجبور طوبیلور .

بو حالرده محکمه کفالت آقچه سنک مقداری تعیین ایلر و کفیل دخی کفالت نامیه امضا ایله محکمه به تودیع ایلر. محکوم بویله بر تعهدی اجرا ایتز ویا معتبر کفیل کویستر مزسه اصل حکم اولان رفع حریت جزاسی تماماً انفاذ اولنور.

توبیخ عدلی جزای تأجیل جزا سیستمک عدم موجودیتدن متولد بر ضرورت محصولی اوله رق قبول ایدلمشدر. اوده انفاذ جزا حقنده کی قسم مقاله مزده و تأجیل جزا بحشده اوزون اوزادی به ایضاح اولندینی وجهله قیسه مدتی جزالر ابتدائی مجرمین ایچون پک فنا تأثیر یایمقده اولسنه کوره ایتالیان واضع قانونی هنوز تأجیل جزانک قبول ایدله مدیکی بر زمانده توبیخ عدلی اصولنک قبوله طرفدار اولق ضرورتنده قالمشدر. اساساً اوده انفاذ جزای آجیق کوچوک وقادین محکوملردن باشقه ارکک محکوملره تطبیق محذوری تلقی ایتش و بالضرور بونلر حقنده قیسه مدتی جزالرک عدم انفاذی اسبابی تأمین اتمک اوزره بو اصولی ترتیب ایتمشدر.

حالبوکه تأجیل جزا اساسی قبول ایدلدکن صکره بو اصولک ابقاسنده بر فائده قالمامشدر. چونکه حاکم توبیخ حکم ایده جکنه دوغریدن دوغری به تأجیل جزایه حکم ایدر. بر طرفندنده محکومیت اصلیه نک استلزام ابتدیکی جزا خفیف اولسنه رغماً توبیخ عدلی محکوم اولان شخصی چوق دفعه شهر و تزییل ایدیجی ماهیتده کوریه بیلیر. چونکه علنی جلسهده یایله جق اولان توبیخ سامعینی براز متعصب محیط اوزرنده محکومک سحیه اخلاقیه سی اوزرنده فنا حسلر تولید ایده بیلیر. بالعکس خفیف مشرب سامعین اوزرنده ده بر مکتب سخنه سی تأثیری وجوده کتیره بیلیر. بوسیدندن در که توبیخ عدلینک بر یاندن اصلاحکار و عبرت مؤثره اوله بیله جک بر تأثیری اوله میه جفی کبی بعض محکومینی شهر اتمک صورتیله کندیلرینک دوغری یوله عودتلییه مانع اوله بیلیر. اونک ایچوندر که توبیخ عدلینک تطبیقنده بر فائده تصور اولنه ماز.

محکمه لر مرز شیمدی به قدر نه تطبیق و انفاذی احتمالی اولیان اوده انفاذ جزا ونه ده توبیخ عدلی تطبیق ایتیموب بونلرک مقامه پک دوغری اوله رق تأجیل جزا اصولی پک موفقیتله تطبیق ایتدکلی شایان قید و تذکارددر.

— ۷ —

مرت محکومینک سنه شمسیه مسابده تعینی

۱۲۷۴ تاریخی قانون جزا مرعی ایکن لاحق اولان موقت رفع حریت جزالرنده تعین اولنان مدتلر سنه قریه اوله رق حساب اولنوردی. بناءً علیه مثلاً محکوم اون بش سنه کک بر کوره ک جزاسنه محکوم اولدینی تقدیرده بوجه پشین تقریباً سنه قریه و شمسیه

فرق اوله‌رق آلتی آی استفاده ایدر . اساساً سلطنت دورنده صیق صیق محکومیت جزائیه مدتری عفو ایدلیدی وئلدان مدت جزائیه‌سنی اکال ایدنلر قاعده عمومیه اوله‌رق برافلدینی ایچون محکومیت جزائیه‌دن نصل اولسه قوریتله جقلری حقنده ارباب ضالالتک ذهنلرنده رلشمش قناعتلری سیلمک احتمالی تصور اولنه‌مازدی . دیگر طرفدن مبدآنک معلوم اولمسنه مقابل منتهاسی علم نجوم اربابنک کهانتیه تعیین ایدلمک اقتضا ایدردی . عربی آینک برنجی ویا ایکنجی و صوکنجی کونلری دائماً دکیشه‌بیلیر و بوسیددن دولاییدرکه برچوق یا کلشقلر و حقسنزلقلر حاصل اوله‌بیلیردی . واضع قانون پک محق اوله‌رق بوخصوصده کی ترددلی تماماً اورتهدن قالدیرمق اوزره ۳۰ نجی ماده ایله غایت قطعی برقاعده قویمشدر .

شویله‌که؛ کون اوله‌رق تعیین ایدیلن جزا یکرمی درت ساعت و آی ۳۰ کون، سنه رسمی تقویمه کوره حساب ایدیلیر .

بناءً علیه اوچ آی اوله‌رق محکومیت قراری صادر اولمش ایسه انفاذ جزا باشلانغیجی ۱ تموز تاریخنه تصادف ایتسه بیله تموز و اغستوس آیلری اوتوز بر کون اولمسنه رغماً محکوم مدت جزائیه‌سنی ۲۹ ایلولده ختامه ایردیرمش اولور .

کذلک شباطده انفاذ جزا ایدیه‌جک ایسه شباطک ۲۸ ویا ۲۹ اولمش نظر اعتباره آلمیه‌رق اوتوز کون اوزرندن تعداد ایدلمک ایجاب ایدر .

تزییل و تخفیف جزاده کسورات قالدینی تقدیرده محکومک لهنه اوله‌رق کسرلرک حساب قائلیه جفی ۳۰ نجی ماده‌یه علاوه ایدلمک صورتیه هر درلو تردد و اختلافاتک اوکی بروجه پشین قالدیرلمشدر .

حقوق فاکولته‌سی مدرسلرندن

آووقات: **هررت فریم**

جوایز

فرقلر ایلنده م. نه بک :

تصویر بیوریلان حادثه شودر: اون بش یاشنی اکال ایتمش ثیه قادینی حیل و دسائس اعمالیه یابدینی معاملیه ی قاری و قوجه‌لق کبی کوسترمک صورتیه هوسات نفسانیه‌سنی تطمین ایدن برکیمسه‌یه قانوناً جزا ویرمک احتمالی وارمیدر ؟

واضع قانونمز پك محق اوله رق پك چوق سوء استعمال ايدلسی محتمل اولان بوكی افعالك جزاء تهديدینی طوغری بولماشدرد. حتی ۴۲۳ نجی ماده ده موضوع بحث اولان اون بش یاشنی اكمال ایدن قیزلرك ازاله بكارتی جرمنك بيله پك چوق اجنبی قانونلر نه بری یوقدر. حادثه ده تطبیق اوله جق هیچ بر جزا یوقدر.

مع مافیه بورجلار قانونك حقسز معامله لدن نشأت ایدن بورجلاردن باحث اولان موادی موجبنه قادیك كرك كندی حسابنه ضرر وزیان طلبی و كرك یارین تولد ایده جك مولود ایچون حق دعواسی موجوددر. شبهه سزدر كه حادثه برجرم اجتماعی دكسه برجرم اخلاق ومدنی در. بوندن تولد ایدن ضرر وزیان قانون مدنی و بورجلار قانونی موجبنه تضمین وتلافی ایدلك ایجاب ایلر.

ج. ف

س. بک :

تصویر بیوریان حادثه شودر: برآله جق دعواسنك اثنای رؤیتنه مدعی علیه طرفندن بوندن تقریباً بش بحق سنه اولکی تاریخخی حاوی برقبوض سندی ابراز اولنش. مدعی سنك ساخته اولدینی در میان ایتش، بوصورتله ساخته سنك استعمالی کیفیتی تحقق ایتدکن اعتباراً دوت سنه برآی مرورندن صکره جزا محکمه سنه مراجعت حالنده مرور زمان دولایسیله حقوق عامه دعواسی ساقطمی در؟

ساخته کارلق یا اعمال ویا استعمال صورتیه واقع اولور. اعمال واستعمال جرملرینك هر ایکیمی ده هیچ شبهه سز جرائم آنیه دن در. اعمال ویا استعمال کیفیتك وقوعیه جرم تمام بولشدرد. تصویر بیوریان حادثه استعمال در. حقوق محکمه سنه ابراز اولدینی آنده فعل جرمی وجود بولش وتام اولشدرد. استعمالده دوام ادعاسی شایان التفات اوله ماز. عکسی تقدیرده ساخته کارلنك الی نهایت دوام ایتسنی و مرور زمانك هیچ جریان ایتیه جکنی قبول ایجاب ایدر. بوحادثه ساخته اونیفورمه طاشیمغه بکزه مز.

حادثه ده تطبیق اوله جق قانون مظنونك لهنه اولمق دولایسیله اصول محاکمات جزائییه قانوننده موجود مرور زمان یعنی اوچ سنه لك مرور زماندر. بومدت ایسه چوقدن کچمش اولمسنه کوره حقوق عامه دعواسی چوقدن ساقطدر. مظنون حقنده تعقیبات جزائییه یابيله مز.

ج. ف